

*Whakaaturanga ka tu he Huinga o nga Tangata no ratou a Wainui B Nama 3 Poraka i raro i Wahi XVIII o te Ture Whenua Maori, 1909.*

REKUREIHANA NAMA 52.

**T**ENEI te Poari Whenua Maori o te Takiwa Whenua Maori o Ikaroa ka whakaatu tenei ka hamenetia a ka tu he huinga o nga tangata no ratou a Wainui B Nama 3 Poraka, i runga i te whakahaerenga o Wahi XVIII o te Ture Whenua Maori, 1909, ki Poneke a te Paraire, te 6 o nga ra o Hurae, 1917, a te 230 o nga haora i te awatea, hei whiriwhiri i te motini e whai ake nei:—

“Ko te whenua me hoko atu ki a William Wilson Smith mo te moni e £7 10s. 6d. mo te eka.”

I tuhia ki Poneke i tenei te 20 o nga ra o Hune, 1917.

R. N. JONES (R. N. TEONE),  
Perehitini.

*Whakaaturanga ka tu he Huinga o nga Tangata no ratou a Horowhenua XIb 41 Raki B 3, Tekiona 4, i raro i Wahi XVIII o te Ture Whenua Maori, 1909.*

REKUREIHANA NAMA 52.

**T**ENEI te Poari Whenua Maori o te Takiwa Whenua Maori o Ikaroa ka whakaatu tenei ka hamenetia a ka tu he huinga o nga tangata no ratou a Horowhenua XIb 41 Raki B 3, Tekiona 4, i runga i te whakahaerenga o Wahi XVIII o te Ture Whenua Maori, 1909, ki Kiwini a te Turei, te 10 o nga ra o Hurae, 1917, a te 12 o nga haora i te ata, hei whiriwhiri i te motini e whai ake nei:—

“Ko te whenua me rihi atu ki a Lindsay Graham McDonald mo te rua tekau ma tahi tau mo te moni reti e £34 mo te tau mo nga tau tekau tetahi, a kia rima paihenei i runga i te wariu a te Kawanatanga ka mahia i te tau 1927 mo te toenga o te rihi.”

I tuhia ki Poneke i tenei te 20 o nga ra o Hune, 1917.

R. N. JONES (R. N. TEONE),  
Perehitini.

KAUTE KAUNIHERA O TAURANGA.

WHENUA KA TANGOHIA I RARO I TE TURE MO NGA MAHI MO TE KATOA, 1908, HEI RAHUI PUNGAPUNGA HEI RAHUI KIRIKIRI HOKI.

**H**E whakaaturanga tenei e mea ana te Kaute Kaunihera o Tauranga, i raro i te Ture mo nga Mahi mo te Karoa, 1908, ki te tango i te whenua o whakaaturia nei o te Kupu Apiti ki tenei hei rahui pungapunga hei rahui kirikiri hoki.

Ko te mapi o te whenua e hiahiatia nei kia tangohia kua whakatakotoria ki te tari o te Kaute Kaunihera o Tauranga, kei Spring Tiriti, Tauranga, a kei reira taua mapi e takoto ana hei tirohanga ma te katoa i nga haora e tuwhera ana taua tari.

Ko nga tangata katoa e pangia ana e te tangohanga o taua whenua mehemea he take tika a ratou hei whakahe i te tangohanga o taua whenua, me tuku-a-tuhitahi mai aua whakahe i roto i nga ra e wha tekau timata atu i te 5 o nga ra o Hune, 1917, i te mea koia tena te ra i perehitia tuatahitia ai tenei whakaaturanga; me tuku mai aua whakahe ki te tari o te Kaute Kaunihera o Tauranga ki nga tangata e mau ake nei o raua ingoa i raro nei.

KUPU APITI.

Ko te nui o te whenua e meatia ana kia tangohia: 1 eka e 3 ruuri e 38 paati, ara ko tetahi wahi o Rangiuru Nama 1A, Poraka III, Takiwa Ruuri o Maketu. He whero te kara o nga tapa o te mapi, ara ko Mapi Nama 14241.

I tuhia i te 5 o nga ra o Hune, 1917.

H. SOUTHEY,

Tiamana o te Kaute Kaunihera o Tauranga.

J. H. GRIFFITHS,

389 Karaka o te Kaute Kaunihera o Tauranga.

WHAKAATURANGA I NGA TIKANGA E URU AI TE MAORI HEI HOIA.

WHAKAMARAMA KI NGA MAORI E HIAHIA ANA KIA URU HEI HOIA.

(1.) Te Ritenga o te Whakauru.

**M**E tono ki te *Recruiting Officer*, a mana e tuhituhi nga kupu mo roto i te Kaari Rehitatanga e tuku atu ki te Tari mo te Whawhai. Kia tae atu te kupu a te Tari kia

haere te tangata e whakauru ana i a ia kia tirohia e te takuta, hei reira ra ano ia whakarere ai i taua mahi i whiwhi orange ai ia mona.

(2.) Tirohanga a te Takuta.

A tona wa ka tae atu he kaari ki te tangata e whakauru ana hei hoia hei whakaatu ki a ia i te taima me te kainga e tirohia ai ia e te takuta. Ki te paahitia ia ka tukuna atu ia i reira tonu ki te puni hoia (*camp*).

(3.) Ki te Hikitia te Kainga Noho.

Ki te haere te tangata e whakauru ana hei hoia ki tetahi atu kainga noho ai, me whakaatu mai e ia ki te Tari te ingoa o te kainga. Ki te haere ia ki tetahi atu takiwa me rehita ia ki taua takiwa.

(4.) Nga Tikanga o te Whakauru.

Ki te uru te tangata ka mau tonu ia hei hoia a mutu noa te whawhai a tae noa ki te wa e hoki mai ai ki Niu Tiren timeratia ai.

(5.) Te Oati ki te Kingi.

Ko ia hoia me oati i te Oati Piri Pono ki te Kingi, a me haina rawa i te pukapuka pera kua oti te whakarite.

(6.) Etahi Tikanga.

Ko te pakeke o te tangata hei te rua tekau tau tae atu ki te wha tekau tau.

Ko te teitei o te tangata kua e poto iho i te 5 putu 4 inih.

Ko te taumaha kua e nuku atu i te tekau ma toru toone.

Me tangata totika mo te whawhai.

(7.) Tirohanga e te Takuta.

Ko te titiro a te takuta he kowhiti i nga tangata maia, tangata ora, e rite ana mo te whawhai, ara i nga mea kaore he mate o te tinana, o nga karu, o nga taringa; kaore he whaturama, kaore he hukiki, a e ora ana nga niho hei ngau-ngau i ana kai.

(8.) Nga Pu me nga Kakahu.

Ma te Kawanatanga o Niu Tiren timeratia e whakarite, kaore he utu.

(9.) Ko te Utu mo te Hoia.

Ko te utu mo nga hoia e uru ana ki te *Expeditionary Force* i te marama tuatahi i te puni (*camp*) ko te utu ano e utua nei ki nga hoia o te *Territorial Force*, ara kia 4s. i te ra mo te paraiwete. Ko tenei moni ka whakaputaina ki ia hoia i ia tekau ra i ia tekau ma rima ra ranei.

Ka pau te marama tuatahi ka whakanukuhia a te moni kia rite ki te moni e utua ana ki nga hoia o te *Expeditionary Force*, ara kia 5s. i te ra mo te paraiwete. Ka tangohia i roto i tenei moni nga moni e whakaritea e te hoia kia utua ki tetahi atu tangata.

Ina eke ki runga ki te kaupuke hari i nga hoia ki te whawhai, e 2s. tonu te moni mo te ra e whakaputaina, ko te toenga, ara te 3s. i te ra, mehemea kaore ano i whakaritea e te hoia kia utua ki tetahi atu, ka puritia tauhoia e whakaputa ki taua hoia, ara kia tiaatingia ra ano ia, kia hoki mai ra ano ranei ki Niu Tiren timeratia; ki te mate te hoia ka whakaputaina taua moni ki tona uri tata i runga i ta te ture.

(10.) Kereeme a nga Whanaunga tata mo tetahi Oranga.

Ina tae ia hoia ki te puni (*camp*) me haina ia i tetahi pukapuka whakamana i te Tari mo te Whawhai ki te tango i tetahi taha o tana moni kua whakatoea ra, i te hawhe ranei o tana moni, hei orange, ina tonoa, mo ona whanaunga tata e noho kore orange ana. “Whamere” tona tikanga ko te wahine, ko nga matua, ko nga tamariki ranei a taua hoia, ko tetahi tangata ranei i whakataua ki a ia, a muri atu ranei whakataua ai ki a ia, tetahi ota-oranga i raro i te Ture mo nga Tangata Rawakore, 1910.

CONTENTS.

LANDS	PAGE
Partial Revocation of Order in Council prohibiting Private Alienation of certain Native Lands	357
NOTICES—	
Government Officer of Pehhairangi Maori Council appointed	357
Sitting of the Native Land Court at Invercargill	358
Sitting of the Native Land Court at Whanganui postponed	358
Consent to the Withdrawal of an Appeal	358
Meeting of the South Island Maori Land Board at Invercargill	359
Hearing of Applications for Confirmation in the Chatham Islands	359
Meeting of Assembled Owners, Ikaroa District	360
Instructions to Maoris desiring to enlist: How to do so	360
ADVERTISEMENT—	
Taking Land for a Pumice and Gravel Reserve	360